

草

草

卷十五

本草

綱

目

龍

本草綱目草部第十五卷

草之四
隰草類上五十三種

菊
本經

野菊
拾遺

菴蘭
本經 對廬附

蓍
本經

艾
別錄 夏臺附

千年艾
綱目

茵陳蒿
本經

青蒿
本經

黃花蒿
綱目

白蒿
本經

角蒿
唐本

蘼蒿
拾遺

馬先蒿
本經

陰地厥
圖經

牡蒿
別錄

九牛草
圖經

茺蔚
本經 卽益母草

鑿草
拾遺

薇薺
本經 無心草附

夏枯草
本經

劉寄奴草
唐本



曲節草

圖經
六月霜

麗春草

圖經

旋覆花

本經

青葙子

本經
○陶朱術鴈來紅
天靈草思莫子附

雞冠花

嘉祐

紅藍花

開寶

番紅花

綱目

燕脂

綱目

大薊小薊

別錄

續斷

本經

苦苣

別錄

漏蘆

本經

飛廉

本經

苧蔴

別錄

蒟蒻

唐本
白麻

大青

別錄

小青

圖經

胡盧巴

嘉祐

蠡實

本經

即馬蘭子
○必似勒附

惡實

別錄
即牛蒡

菓耳

本經
即蒼耳

天名精

本經
即地蘇

鶴

狶薺

唐本

箬

綱目

蘆 別錄

甘蕉 別錄

蘘荷 別錄

麻黃

本經
雲花
草附

木賊

嘉祐
問荆
附

石龍芻

本經
即
龍須
草

龍常草

別錄
即
櫻心
草

燈心草

開寶

右附方舊一百四十四新二百八十六

本草綱目草部第十五卷

草之四 隰草類上五十三種

菊

本經上品

釋名節華

本經

女節

別錄

女華

別錄

女莖

別錄

日精

別錄

更生

別錄 傳延年

別錄

治牆

爾雅

金薤

綱目

陰成

別錄

周盈

別錄

時珍曰按

陸佃埤雅云菊本作鞠從鞠鞠窮也月令九月菊

有黃華華事至此而窮盡故謂之鞠節華之名亦

取其應節候也崔寔月令云女節女華菊華之名

也治牆日精菊根之名也抱朴子云仙方所謂日

精更生周盈皆菊而根莖花實之名異也頌曰

唐天寶單方圖載白菊云原生南陽山谷及田野

中潁川人呼為圓峰菊汝南名茶苦蒿上黨及

建安郡順政郡並名羊歡草河內名地薇蒿

集解

別錄曰菊花生雍州川澤及田野正月采根三月采葉五月采莖九月采花十一月采實

皆陰乾弘景曰菊有兩種一種莖紫氣香而味甘葉可作羹食者為真菊一種青莖而大作蒿艾氣味苦不堪食者名苦蕒非真菊也葉正相似惟以甘苦別之南陽酈縣最多今近道處處有之取種便得又有白菊莖葉都相似惟花白五月取之仙經以菊為妙用但難多得宜常服之藏器曰白菊生平澤五月花紫白色頌曰處處有之以南陽菊潭者為佳初春布地生細苗夏茂秋花冬實然種類頗多惟紫莖氣香葉厚至柔者嫩時可食花微大味甚甘者為真其莖青而大葉細氣烈似蒿艾花小味苦者名苦蕒非真也南陽菊亦有兩種白菊葉大如艾葉莖青根細花白莖黃其黃菊葉似茼蒿花藍都黃今服餌家多用白者又有一種開小小花瓣下如小珠子謂之珠子菊云入藥亦佳

宗奭曰菊花近世有二十餘種惟單葉花小而黃綠葉色深小而薄九月應候而開者是也鄧州白

菊單葉者亦入藥餘皆醫經不用〔瑞曰〕花大而香者爲甘菊花小而黃者爲黃菊花小而氣惡者爲野菊〔時珍曰〕菊之品凡百種宿根自生莖葉花色品品不同宋人劉蒙泉〔范至能〕史正志皆有菊譜亦不能盡收也其莖有株蔓紫赤青綠之殊其葉有大小厚薄尖禿之異其花有千葉單葉有心無心有子無子黃白紅紫間色深淺大小之別其味有甘苦辛之辨又有夏菊秋菊冬菊之分大抵惟以單葉味甘者入藥菊譜所載甘菊鄧州黃鄧州白者是矣甘菊始生于山野今則人皆栽植之其花細碎品不甚高蓋如蜂巢中有細子亦可捺種嫩葉及花皆可煉食白菊花稍大味不甚甘亦秋月采之菊之無子者謂之牡菊燒灰撒地中能死蠹黽〔說出周禮〕

花

葉根莖實並同

氣味

苦平無毒

〔別錄曰〕甘〔損之曰〕甘者入藥苦者不入藥〔杲曰〕

苦甘寒可升可降陰中微陽也〔時珍曰〕本經言菊花味苦別錄言菊花味甘諸家以甘者爲菊苦者

爲苦蕒惟取甘者入藥謹按張華博物志言菊有
兩種苗花如一惟味小異苦者不中食范至能譜
序言惟甘菊一種可食仍入藥餌其餘黃白二花
皆味苦雖不可餌皆可入藥其治頭風則白者尤
良據此二說則是菊類自有甘苦二種食品須用
甘菊入藥則諸菊皆可但不得用野菊名苦蕒者
爾故景煥牧豎閑談云真菊延齡野菊世人正如
黃精益壽鉤吻殺人之意之才曰木及枸杞根桑
根白皮爲之使

主治諸風頭眩腫痛目欲脫淚出皮膚死肌惡風

濕痺久服利血氣輕身耐老延年

本經

療腰痛去來

陶陶除胸中煩熱安腸胃利五脉調四肢

別錄。陶陶縱

緩貌治頭目風熱風旋倒地腦骨疼痛身上一切游

風令消散利血脈並無所忌權作枕明目葉亦明

目生熟並可食大養目血去翳膜元主肝氣不足

好古

白菊氣味苦辛平無毒

主治風眩能令頭不白弘染髭髮令黑和巨勝花

苓蜜丸服之去風眩變白不老益顏色藏

發明震亨口黃菊花屬土與金有水與火能補陰

受四氣飽經露霜葉枯不落花稿不零味兼甘苦

性稟平和昔人謂其能除風熱益肝補陰益不知

其得金水之精英尤多能益金水二臟也補水所以制火益金所以平木木平則風息火降則熱除

用治諸風頭目其青深微黃者入金水陰分白者入金水陽分紅者行婦人血分皆可入藥神而明之存乎其人其苗可蔬葉可啜花可餌根實可藥囊之可枕釀之可飲自本至末罔不有功宜乎前賢比之君子神農列之上品隱士采入酒尊騷人餐其落英費長房言九日飲菊酒可以辟不祥神仙傳言康風子朱孺子皆以服菊花成仙荊州記言胡廣久病風羸飲菊潭水多壽菊之貴重如此是豈羣芳可仙哉鍾會菊有五美贊云圓花高懸準天極也純黃不雜后土色也早植晚發君子德也冒霜吐穎象貞質也盃中體輕神仙食也西京雜記言采菊花莖葉雜秫米釀酒至次年九月如熟用之

附方

舊六新

服食甘菊

玉函方云王子喬變白增年方用甘菊三月上寅日

采苗名曰玉英六月上寅日采葉名曰容成九月立寅日采花名曰金精十二月上寅日采根莖名

曰長生四味並陰乾百日取等分以成日合搗千
杵爲末每酒服一錢七或以蜜丸梧子大酒服七
九一日三服百日輕潤一年髮白變黑服之二年
齒落再生五年八十歲老翁變爲兒童也孟詵云
正月采葉五月五日服食白菊太清靈寶方引九
采莖九月九日采花服食白菊月九日白菊花二
斤茯苓一片並壽羅爲末每服二錢溫酒調下日
三服或以煉過松脂和丸雞子大每服一九上頭
眩久服令人好顏色不老藏器曰抱朴子言劉生
丹法用白菊汁蓮花汁地血汁梧汁和丹蒸服也
白菊花酒天寶單方治丈夫婦人久患頭風眩悶
頭髮乾落胸中痰壅每發卽頭旋眼昏
不覺欲倒者是其候也先灸兩風池各二十七壯并
服此酒及散永瘥其法春末夏初收白菊軟苗陰
乾搗末空腹取一方寸匕和無灰酒服之日再服
漸加三方寸匕若不飲酒者但和羹粥汁服亦得
秋八月合花收暴乾切取三大斤以生絹袋盛貯
三大斗酒中經七日照之日三次常令酒氣相續

為佳 蘇 風熱頭痛 菊花石膏川芎各三錢為末
頌圖經 每服一錢半茶調下 簡便

方 膝風疼痛 菊花陳艾葉作護膝久則
自除也 吳曼扶壽方 癰疽入目

生腎障用白菊花穀精草綠豆皮等分為末每用
一錢以乾柿餅一枚粟米泔一盞同煮候泔盡食

柿日食三枚淺者五七日遠 病後生賢 曰菊花蟬
者半月見効 仁齋直指方 蛻等分為

散每用二三錢入蜜少許水煎服 疔腫垂死 菊花
大人小兒皆宜屢驗 救急方 一握

搗汁一升人口即活此神驗 女人陰腫 甘藥苗搗
方也冬月采根 肘后方 爛煎湯先

熏後洗 危 酒醉不醒 九月九日真菊花為末飲
氏得効方 服方寸匕 外臺秘要

眼目昏花 雙美丸用甘菊花一斤紅椒去目六兩
為末用新地黃汁和丸梧子大每服五

十九臨臥茶清
下 瑞竹堂方

花上水主治益色壯陽治一切風明

野菊拾遺

釋名苦蕒時珍曰蕒乃蓮子之心此物味苦似之故與之同名

集解藏器曰苦蕒生澤畔莖如馬蘭花如菊菊甘而蕒苦語曰苦如蕒是也時珍曰苦蕒處處

原野極多與菊無異但葉薄小而多尖花小而莖多如蜂窠狀氣味苦辛慘烈

根葉莖花氣味苦辛温有小毒震亨曰野菊花服之大傷胃氣

主治調中止洩破血婦人腹內宿血宜之藏器治癰

腫疔毒瘰癧眼癰時珍

附方新癰疽丁腫一切無名腫毒孫氏集効方用野菊花連莖搗爛酒煎熱服取

汗以渣傳之即愈○衛生易簡方用野菊花莖葉
蒼耳草各一握共搗入酒一椀絞汁服以渣傳之
取汗即愈或六月六日采蒼耳葉九月
九日采野菊花為末每酒服三錢亦可
野菊花根棗木煎湯
洗之醫學集成
消不消亦自破也

瑞竹堂經驗方

菴蘭

音淹問○
本經上品

釋名覆閭

時珍曰菴草屋也閭里門也此草乃蒿
屬老莖可以蓋覆菴閭故以名之貞元

廣利方謂之菴蘭蒿云又史注云

菴廬軍行宿室也則閭似當作廬

集解

別錄曰菴蘭子生雍州川谷亦生上黨及道
邊十月采實陰乾弘景曰狀如蒿艾之類近

道處處有之仙經亦時用之人家種此辟蛇也
日今江淮亦有之春生苗葉如艾蒿高二三尺上

月開花八月結實九月采實時珍曰菴藹葉不似艾似菊葉而薄多細丫面背皆青高者四五尺其莖白色如艾莖而粗入九月開細花淡黃色結細實如艾實中有細子極易繁衍藝花者以之接菊

子氣味苦微寒無毒

別錄曰微溫晉曰神農雷公桐君岐伯苦小溫無毒李當

之溫權曰辛苦時珍曰降也陰中微陽入足厥陰經血分之才曰荆實薏苡爲之使

主治五臟瘀血腹中水氣臚脹留熱風寒濕痺身

體諸痛久服輕身延年不老本經**療心下堅隔中寒**

熱周痺婦人月水不通消食明目驅驢食之神仙

別錄**益氣主男子陰痿不起治心腹脹滿**甄權**腰脚重**

痛膀胱痛及骨節煩痛不下食大明**搗酒飲治閑挫**

腰痛及婦人產後血氣痛

時珍

發明

食者惟入諸雜治藥中如胡治治驚邪狸骨

丸之類大方中用之孫思邈千金翼韋宙獨行方

主跌折瘀血並單用菴藹煮汁服亦可未服今人

治打撲多用此法或飲或散其效最速時珍曰吳

普本草及名醫別錄並言駝驢食菴藹神仙此亦

謂其多壽爾駝驢乃獸名似驃而小前足

長後足短不能自食每負甕鼠為之齧食

附方

舊一

瘀血不散

變成癰腫生菴藹蒿搗汁一升服之廣利方

月水

不通

婦人宿有風冷留血積聚月水不通菴藹子

酒二斗浸封五日後每飲

產後血痛

菴藹子一兩水一升童子

三合日三服

聖惠方

小便二盃煎飲

癩湖集簡方

附錄對廬

別錄有名木川曰味苦寒無毒主疥瘡久不瘳生死肌除大熱煮汁洗之似椿

蔞八
月采

著

音尸○本
經上品

釋名

時珍曰按班固白虎通載孔子云著之爲言

卑雅云草之多壽者故字從耆博物志言著千歲而三百莖其本已老故知吉凶

集解

別錄曰著實生少室山谷八月九月采實曰乾恭曰此草所在有之其莖可爲筮陶氏誤

以楮實爲之楮實味甘此味苦今正之頌曰今蔡州上蔡縣白龜祠旁其生如蒿作叢高五六尺一本一二十莖至多者五十莖生便條直所以異於衆蒿也秋後有花出於枝端紅紫色形如菊花結實如艾實史記龜策傳云龜千歲乃遊於蓮葉之上著百莖共一根所生之處獸無虎狼蟲無毒螫